

CA NAZ.
anale II


III



XLVIII

E

44



BREVIS RELATIO DE

Numero, & Qualitate Chri-
stianorum apud SINAS.

AVCTORE

P. Martino Martinio Tridentino Viceprouinciæ
Sinenfis Procuratore è Societate Iesu.



R O M A E,
EX OFFICINA IGNATII DE LAZZERIS.
M. DC. LIV.
SVPERIORVM PERMISSV.

RELATIO
DE

Numero, & Qualitate
Fianorum apud Sivas.

AVCTORE

I. A. Martinus Martinus Thibaudus V. p. p. p. p. p.
Sinebris Procurator & Societate Sinebris.



EX OFFICINA IGMENTI DE TAZZERA.
M. D. C. LXX.
ANNO DOMINI M. D. C. LXX.

BREVIS RELATIO

Martini Martinijs Societ. Iesu
Procūtoris Vice Prouinciz SINENSIS

D E

Numero, & qualitate Christianorum apud SINAS

A D

EMINENTISSIMVM, ET REVERENDISSIMVM

D. CARDINALEM

ANTONIVM

BARBERINVM

S: R. E. Camerarium, & Sac. Congr.

de Propaganda Fide Præfectum.

EMINENTISS. ET REVERENDISS. PRINCEPS.



X fructibus, quos no-
uale Christi in vlti-
mo Oriente profert;
offero EMINENTIAE
TVAE hunc manipulum, vt

qui Congregationi, quæ est de
dilatando pomœrio Religionis
Christianæ, præfides, vineam
Christi videas extendisse pal-
mites suos vsque ad mare, scili-
cet Eoum, quo maxima culti
Orbis, pars (hoc est Asia) ter-
minatur.

Breuis quidem Relatio est,
sed ea omnia per compendium
continet, quæ Patres Societatis
IESV in amplissimo Sinarum
Regno ad Dei gloriam, & ani-
marum salutem studijs, ac labo-
ribus non inutiliter procurä-
runt, vt ita vñd quasi intuitu
collectos hætenus fructus, qui-
que diuina adiuuante gratia
spe-

ſperantur, quiuis aſſequi valeat;
ſummatim præmitto, & quaſi
ad prælibandum appono, quæ
fuſius enarranda ampliori volu-
mini reſervantur., quod ea, quæ
ab anno 1610. (quo ſuum, de
Chriſtiana expeditione apud
Sinas ſuſcepta à Societate IESV,
Librum concludit R. P. Trigau-
tius) geſta ſunt, uſque ad hæc
tempora, complectetur. Conſi-
lium mihi eſt, multorum deſi-
deria accendere, ut mox ſecu-
turam ampliorem hiftoriam, eo
auditiuſ expectent, quod ut pu-
to hæc Relatio faciet, ſi non ſa-
tis facit. *Quod omninoque omni-
um.* Nec diu mihi Patronus quæ-

rendus fuit, cui hanc opellam
dedicarem. Quoniam Sacrae
Congregationi de Propagan-
da Fide Præsides, illaque pro-
pagatae apud Sinas Fidei noua
germina continet TE CAR-
DINALIS ANTONI in PA-
TRONVM adoptauit.

Accipe igitur hoc leuiden-
se munusculum, qua soles be-
nignitate res omnes spectantes
ad propagationem Fidei, cuius
curam geris, & pro singulari
tua in nostram Societatem be-
neuolentia, Operarios in illa Vi-
nea non inutiliter desudantes,
tuo patrocinio foue. In tenui re
habet indicem gratissimi animi

ob eximia tua in Societatem
merita, & pignus propensissimæ
ad inferuiendum EMINEN-
TIAE TVAE in omnibus vo-
luntatis . Vale, & viue Ne-
storeos annos . Romæ De-
cembris . 1654.



Imprimatur Civildis Rectoris P. Mag. Sac.
P. Al. Apoll.
M. Annae Wiedem.

Imprimatur Fr. Dominicus Mancus Rector
I. Raymundi Capilucchi Sac. Al. Apoll. M. Annae
Socius Ord. Predic.


G O S V V I N V S

N I C K E L

Societatis Iesu Præpositus Generalis.

Cum breuem Relationem de numero, & qualitate Christianorum apud Sinas à Patre Martino Martino; nostræ Societatis Sacro dore conscriptam, ali- quot eiusdem Societatis Religiosi recognouerint, & in lucem edi posse probauerint, potestatem facimus, vt typis mandetur, si ita ijs, ad quos attinet, videbitur cuius rei gratia has litteras manu nostra subscriptas, sigilloque nostro munitas damus Romæ 15. Nouembriis 1654.

Gosuinus Nickel.



Imprimatur Si videbitur Reuerendiss P. Mag. Sac
Pal. Apost.

M. Anania Vicegerens.



Imprimatur Fr. Dominicus Manettus Reuerendi
P. Raymundi Capisucchi Sac. Pal. Apost. Magistri
Socius. Ord. Prædic.

I.
BREVIS
RELATIO
DE

Numero, & Qualitate Chri-
stianorum apud SINAS.

§. PRIMVS.

Nomina ac Nationes Patrum
è Societate IESV, qui SI-
NIS diuinam legem
prædicarunt.



PRIMVS qui è Societate IESV
Sinicam expeditionem aggressus
est, fuit Indiarum Apostolus
sanctus Franciscus Xauerus,
quem Sinicæ Missionis non An-
telignanum modò gloriosissimum, sed & Moy-
sem alterum vocare iure merito possumus; licet
enim continentem Sinarum ingressus non sit, &

ad illius ianuas mortuus in Insula Sancham,
 Sinico Imperatori subiecta, suorum laborum
 premia in Cælo obtinuerit, tamen tanquam
 alter Moyses suis successoribus e Societate Iesu
 (quam adeo amabat) ingressum de Cælo im-
 petrauit; manet hæc fortuna nepotes. Biennio
 autem, aut paulo plus, post felicissimam tantæ
 Apostoli mortem, hoc est, 1555. Pater Melchi-
 or Nunes Lusitanus aliquam Sinis legis Evan-
 gelicæ notitiam dedit, ex occasione quod Ia-
 poniam petens, non parvo tempore substituisse
 ad Urbem nobilissimam Quangcheu, quæ
 Quangtung. Provincie Metropolis est.

Post hæc hanc Sacram Expeditionem Patres
 Societatis nostræ eo ordine successiue ingressi
 sunt, quo hic ponuntur, 1. Pater Michael Ro-
 gerio. 2. P. Franciscus Patio. 3. P. Matthæus
 Rieci, Itali. 4. P. Duarte de Sande. 5. P. An-
 tonius de Almeida, Lusitani. 6. P. Franciscus
 Petri. 7. P. Lazarus Cattaneus Itali. 8. P. Io-
 annes Soerio Lusitanus. 9. P. Nicolaus Lon-
 gobardo, Italus, qui adhuc viuit, ingressusque
 est Sinatum Regnum anno à partu Virginis
 1597; Vnde iam annis 57. hanc excolit vi-
 neam, plenus dierum ac meritum. 10. P.
 Ioannes de Rocha Lusitanus. 11. P. Didacus
 Pantoia Hispanus. 12. P. Emanuel Dias senior
 Lusitanus. 13. P. Bartholomæus Tedeschi Italus.
 14. P. Petrus Ribeiro. 15. P. Gaspar Ferreira,
 Lusitani. 16. Alphonsus Vagnoni Italus. 17.

P. Fe-

III.

P. Felicianus de Sylva . 18. P. Hieronymus Rodriguez, Lusitani . 19. P. Sebastianus de Vrsis Italus . 20. P. Emanuel Dias iunior Lusitanus . 21. P. Nicolaus Trigautius Belga . 22. P. Franciscus Sambiasi . 23. P. Iulius Aleni Itali . 24. P. Petrus Spira Germanus . 25. P. Alvarus Semedo Lusitanus . 26. P. Ioannes Vremon . 27. P. Ioannes Terencius, Germani . 28. P. Franciscus Furtado Lusitanus . 29. P. Ioannes Adamus Shall à Bel Germanus . 30. P. Iacobus Rho Mediolanensis . 31. P. Rodaricus de Figueredo . 32. P. Ioannes Froes, Lusitani . 33. P. Andreas Rodomina Polonus . 34. P. Simon da Cunha Lusitanus . 35. P. Tranquillus Grafetti Italus . 36. P. Stephanus Faber Gallus . 37. P. Benedictus de Matros Lusitanus . 38. P. Petrus Canevari Italus . 39. P. Michael Trigautius Belga . 40. P. Augustinus Todeschino Italus . 41. P. Ignatius da Costa . 42. P. Antonius de Gouea . 43. P. Ioannes Monteiro Lusitani . 44. P. Hieronymus Graulina . 45. P. Franciscus Brancati . 46. P. Ludouicus Buglio Siculi . 47. P. Michael Valta . 48. P. Nicolaus Viua, Germani . 49. P. Gabriel de Magalhães . 50. P. Iosephus de Almeida Lusitani . 51. P. Franciscus Ferraris Italus . 52. P. Martinus Martini Tridentinus . 53. P. Ioannes Nicolaus Smogolecki . 54. P. Michael Boym Poloni . 55. P. Andreas Xauier siue Cofler, Germanus . 56. P. Ioannes Valat Gallus . 57. P. Emanuel Giorgi . 58. P. Felicianus Pacheco, Lusitani . His non

IV.

addo Fratres Coadiutores omnino quindecim
& ad Christianorum numerum propero.

§. SECVNDVS.

Christianorum in SINIS
numerus.

A Nno Domini 1627. censa sunt ad decies
& termille capita Christianorum, col-
lecto censu & numero ex Prouincijs
Kiangsi, Chekiang, NanKing, Xantung, Xen-
si, Xanfi & Peking.

Anno Domini 1636. censa sunt, ad qua-
draginta Capita millia, Christi fidem profi-
tentium, in Prouincijs NanKing, Chekiang,
Kiangsi, Xantung, Fokien, Hoban, Xensi &
Xanfi, ac Peking, qui numerus tamen adeo
magnus non sit. si annos ab octogesimo quin-
gentesimo supra millesimum impenso huic
labori numeres, idque tantis cum operum
laboribus apud gentiles adeo copiosos & fre-
quentes. Magnus tamen omnino numerus est
nec pauci dicendi sunt, si difficultates in ingre-
ssu huius Regni, populoque lege Dei instituen-
do consideres, quæ ex seueris contra externos
legibus, quibus apud ipsos magna reuerentia est
præsertim oriuntur.

P. Rodri-
cus Figue-
redo in
suis litte-
ris.

V.

Notandum verò est, in Prouincia FoKien siue Cincheo (quam solam ex quindecim Sinici Imperij frequentarunt alij Religiosi à nostris Ordines) eodem anno supra mille nongentos & nonaginta numerasse nos Christianos, ex iisque in ipsa Vrbe Metropoli Focheu cum duobus Suburbijis ad mille sexcentos & amplius, Salutaribus Baptismi aquis fuisse ablutos, idque spatijs annorum decem, quibus lex Euangelica primum illis innoquerat, neque enim ante annum 1625. ad eos qui verbum Domini ibi primus diffeminauit, Pater Iulius Aleni peruenerat.

Quod si Sanctus Iacobus toto illo tempore, quo in illis Hispaniam, non nisi aliquos reddidit Christianos, vtique paruus omninò fructus non est, si decemq; spatio ad duo numerantur millia. Quin vt illi Septemviri Sancti Iacobi semen fuisse infinitorum aliorum subsequetium, ita sperandum, omninò futuros hosce, quod & ex parte anno 1638. sumus expecti, septem supra decem varijs in locis erectis Ecclesijs, tribusque sedibus hominum seu virorum Religiosorum in hac sola Prouincia statutis:

Anno Domini 1640. supra sexaginta aut septuaginta fuisse Christianorum millia, in Prouincijs PeKing, NanKing, FoKien, Kiangsi, CheKiang, alijsque quas supra enumerauimus, vt omittam alias fidei nostræ mysterijs omninò imbutas ad tredecim ex quindecim, quibus hoc Regnum constituitur, Prouincijs, ita vt duæ tan-

Annua.
1638-

tum adhuc imbuenda superfint.

Aduerto autem porro hoc, quot in his sex vt
minimum millia sacris baptismi aquis Christo
renasci solita, vnde anno millesimo sexce ntesimo
quinquagesimo primo, quando è Sinis exi-
ui, ad minimum numerabantur, qui Christo
nomen dedere, centum quinquaginta millia,
quibus non adnumero aliquot centena millia in
TungKing, quæ Christi fidem admiserunt, quod
Regnum etiam Sinici Imperij pars censetur,
tantus ergo iam est numerus, vt paucos intra
annos sperari omninò possit, nil hasce terras
Christianorum numero cæteris etiam cultissi-
mis cessuras. Id spondet innumera isthic ho-
minum multitudo, magna ad fidem nostram
animi propensio festinatioque, qua moras ante
ductas facillè compensant, hæc delent, cumque
vt ajunt vulgò, citò nata, citò pereant, tantò
hic progressus est à ruina securior, quo altiores
egit radices. Hæc de numero.



VII.
§. TERTIVS.

Qui qualesque SINAË fidem
Christi susceperint,
proponitur.

Superest ut videamus, qui qualesque ij sint,
de quibus sinistra adeo informatio est ad
Insulas Philippinas, & inde in Europam
vsque delata. Primum tum verbis tum scriptis
euulgatum; parum omninò profici cum Man-
darinis honestioribus; solam faciem populi ad
fidem nostram conuerti; deinde quoad res, quæ
naturæ vim atque ordinem superant, (vnde su-
pernaturales dictæ) animaduersum aiunt, Chri-
stianos nostros, parum Sanæ fidei esse, multum
suis erroribus & idololatriæ addictos, adeo ut le-
gem nostram cum Deorum suorum cultu mi-
scere velle videantur. Ad hæc parum dediti di-
cuntur operibus Charitatis, atque eleemosyna-
rum largitioni, parum firmi atque constantes
in fide semel suscepta, frigidiores in orationibus,
pijs operibus, afflictionibusque corporis.

His similibusque opinionibus imbutæ iam
sunt Philippinæ Insulæ, inde in Hispaniam per-
uagatæ Romam vsque peruenerunt, quæ res in-
de orta quod Philippinensium aliqui credant,
etiam

VIII

etiam intra Sinam baptizari passim, non notos nec instructos satis, ut apud suos sæpè vident; quod si Sinenſes illis coram spectare liceret, aliter longè de ijs iudicarent. Et ut demus, ita esse de Sinenſibus, qui in Philippinis sunt, minime mirum eos non satis de rebus fidei, omnibusque ad hanc necessarijs esse instructos, cum hinc inde per varia loca sparsi sint, plurima Europæorum militum aliorumque aduenarum mala viuendi exempla iis ob oculos quotidie versentur, & multas passim vexationes sustineant, ut omninò eò magis mirandum sit, eos amplecti fidem illorum, qui magis rationi naturali quàm ipsimet gentiles aduersentur; sed hosce ut prætereamus, videamus quæ spectant ad Sinenſes ipso, qui non nisi ex Europæis aduenis Patres, operariosque Euangelicos vident.

Constat sub ipsa huius Missionis principia parum fuisse profectum inter honoratiores Regni, primumque qui nostra Sacra in Vrbe ChauKing suscepit, miserum fuisse paupereulum, domo ab ipsis parentibus amicisque eiectum, in Campo ad mortem derelictum, quòd domestici, morbi, quo tenebatur, scortorem non ferrent: hunc à P. Rogerio exigua, quam illi struxerat, casula susceptum, scribit Trigautius, curatumque; Patre illi cibos suis manibus cæteraque ad vitam necessaria ingenti Charitatis exemplo sponte sua subministrante; ea re oculos huic misero fuisse apertos: cum hunc exterorum amorem ac be-

neuo.

Trigaut:
l. 2.

IX.

neuolementiam ; cum suorum maleuolentia subin-
de conferret, inferrens, legem, quæ ad talia mo-
ueret opera, debere esse veram, eamque quæ tu-
tò ducat, & securè ad vitam æternam ; Baptis-
mum expetijt, eoque impetrato non ita multò
post excessit è vita, magna salutis suæ spe Patri
Rogerio relicta. Hisce initijs despectis atque
obscuris, hominum iudicio, ea iacta sunt funda-
menta, quibus postmodum tanta Christiano-
rum multitudo accessit.

Hic Dei agendi modus, est conformis omni-
nò illi stylo, quo vsus est in ipsis primis funda-
mentis nascentis Ecclesiæ, adhibens abiectissi-
ma quæque in oculis domini, ne super sit vlla
dubitandi ratio ; quin in ijs vel maxime concur-
rat, atque eluceat potentia dexteræ Excelsi.

Rationi tamen minimè repugnat, immò con-
sentaneum omninò est, vt Operarij Euangelici
omnem opem exhibeant atque operam, qua ho-
nerationes quosdam magis eminentes, ad fidei
nostræ cultum susceptionemque polliceant, tum
vt magis rebus nostris concilietur auctoritas, tum
vt ij exemplo suo, quo digniori, eò efficaciori
cæteros ad fidem amplectendam magis moueāt,
Hinc suadet Seraphicus Doctor S. Bonauentura, In apolog
Diuitibus atque potentibus conuertendis ad la- paup.
borandum magis, quàm pauperibus ac tenuiori-
bus, [quia maior utilitas prouenit ex corre-
ctione vnius diuitis, quàm plurimorum, pauperū,
pauperum enim Salus sibi met prodest, diues au-

tem emendatus multis prodest, tam propter exemplum eorum, qui inde aedificantur, & prouocantur ad bonum, quàm propter alia bona, quæ per eum promouentur in alijs, & mala, quæ impediuntur: qualis Rector ciuitatis, tales habitantes in ea; conuersio Imperatoris Constantini ad fidem plus profuit Ecclesiæ, quàm multorum aliorum. Hinc fortè, mutato Sauli nomine Doctor gentium, Apostolus, Pauli nomen assumpsit, quod Cypri proconsulem Romanum nobilissimum Sergium Paulum salutaribus Baptismi aquis eluisset. Tamen non desunt, qui dicant, gentile istud nomen assumptum ab Apostolo, ut, quia cum gentibus illi deinceps agendum, & illo esset nomine notior, & plusculum sibi auctoritatis acquireret, magisque sibi Romanorum animos conciliaret, priori Sauli nomine, suos inter maxime honorato, atque ab ipsis Regibus usurpato, relicto; ut obiter isthic notetur, non de nihilo esse, quod nostri relictis nominibus sibi proprijs Europæis, Sinensibusque honorationibus, illisque notioribus susceptis, passim vocentur:

In Epist. ad Pp-
lem. Audiendus hic Sanctus Hieronymus, qui ut Scipio Africanus ab Africa, alijsque ab alijs Orbis partibus à se subactis, gloriosum sibi nomen ascuerunt, [ita, inquit, Saulus ad prædicationem gentium missus à primo Ecclesiæ spolio Proconsule Sergio Paulo Victoriæ suæ trophæa retulit, crexitque vexillum, ut Paulus diceretur à Saulo.]

Hac

Hac de causa id vnum ab ipsis principiis tentarunt spectaruntque Patres ibi nostri, vt Mandarinos quosdam atque litteratos Christo lucrificerent, qui cum ibi nobiliores potentioresque sint, facile faciem ceteris securis prælucere:

Eandem ob rem tantopere vrsit Pater Alexander Valignanus, vt in vtraq; Aula NanKing, & PeKing nostri sedem figerent, domumque occuparent; id vt consequeretur, tantis sese periculis molestijsque obiecit R. P. Matthæus Riccius, donec tandem statutis ibi domibus feliciter eluctaretur; doctrinâ suâ ac virtute plurimorum ibi Magnatum conciliatâ amicitia, quorum nonnulli Baptismo initiati sunt, vt Doctor ille Paulus, qui magnus deinde Colaüs, hoc est, ad supremâ post Regem dignitatem euectus est; tum altero etiam nobilissimo litterato conuerso, qui & Paulus dictus; quem secuti Doctores Leo & Michael ambo dux nascentis illius Ecclesiæ firmissimæ columnæ; qui successus ita deinceps continuati sunt, vt anno 1636 numerati fuerint ex Mandarinis grauioribus decem & quatuor, Doctores decem Licentiatî vndecim, Baccalarei ducenti nonaginta & vnus, (omnibus enim hisce gradibus maiorique quam nos æstimatione vtuntur Sinæ) Christianis Sacris imbuti; quibus non addo sequentium annorum numerum, qui continuo Dei beneficio & aliorum exemplo excreuit, tamen

His addendi plurimi ex sanguine Regio, qui

tamenſi Regni gubernacula non attingunt, ſunt
tamen potentia ac dignitate multam ſuprà cete-
teros eminentes. Ex his erant eodem annq. Chri-
ſtiani ſuprà centum & quadraginta, vt ne nume-
rem quadraginta eoque amplius Eunuchos, qui-
bus Rex in ipſo Palatio vtebatur ad miniſterium.

Denique Domine palatine, interque eas ipſa-
met ThienKi Regis præcedentis vxor, anno mil-
leſimo ſexcentefimo trigefimo nono numerata
ad triginta & octo, & anno 1640. ad quadragin-
ta & plures, creſcente indies fidelium, illorumque
Magnatum numero.

Inter hæc tamen Tartarorum tempeſtas Sini-
cum oppreſſit Imperium, Taiminga familia ve-
xatur, Regia PeKing occupatur, palatium expi-
latur, Rex ſeipſum ſuſpendit, palatine dilabun-
tur, tota denum rei Chriſtiane ſpes in palatio
preſcinditur. Timendum erat (cum mortis ac
genia Tartarorum nondum nota eſſent) ne Sini-
ca Eccleſia interiret; verum DEVS opt. Maxi-
mus ita nobis, qui rem diuinam procurabamus
in Sinis Tartarorum animos conciliauit, vt libe-
re Chriſtianam rem agere poſſiſſi ſimus; quin
imò Tartari ipſi non modo fouere templaque
aliqua nobis extruere cœperunt, verum etiam
non pauci Sacris noſtris initiati ſunt; qua de re ſu-
ſius Deo volente in Annalibus Sinenſibus Socie-
tatis IEſV quòs meditor; vnde dicere cum
Sancto Leone poſſumus, diuino conſilio factum
eſſe, quod Sinicum occuparent Imperium, vt
nimi-

XIII

nimirum citius peruios haberet prædicatio generalis, quos vnius teneret regimen ciuitatis.

Quod vero non parua dignum videtur admiratione est, quod Societatis nostræ Patres ab à se inuicem inimicis, regibus etiam amarentur ac permitterentur: nunquam Tartarus, quod sub Sinicis Regibus per varias prouincias electis essemus, indignatus est; nunquam Reges hi electi, quod sub Tartaris etiam versaremur. Vbi-que Deus Regum corda in manu sua habuit nobisque propicia reddidit; vnde dum alij Deo ac Ecclesiæ sub à Tartaris occupatis Prouincijs laborabant, alij sub Sinico Rege Iunglieo adeo felicem habuerunt sortem, vt Reginam Vxorem, Filium heredem, ac demum ipsam Regis matrem Sacris abluerint aquis.

In quibus miraculi instar habet, quod cum infra genti arrogancia generis ac status dignitate imperare alijs assueuerint, ita sese ad instructionem directionemque exterorum quorundam, eorumque inopum subijciant vt vel ex ea diuinam gratiam effectum plane prodigioso, possis agnosce.



§. QVARTVS,

Christianorum Sinensium circa
res diuinas diligentia, ac in
suscepta fide constan-
tia explicatur.

QUod ad supernaturalia attinet, lumenque
quod Sanctus Spiritus fidelium corda ac-
cendit, & illustrat, alibi ostendimus, quā
protul absint à permittendis erroribus, fouendis
superstitionibus, vt falsò, à quibusdam obiectum.
Neque enim vllus hic ad Christi sacra cogitur,
cum nemo sit, qui compellat; nec ratione pri-
uati commodi allicitur; cum nulla inde utilitas
aut lucrum; immò quod solemne olim, mul-
torum gentilium maledicentia sequatur, & op-
probrium, nec fraude quispiam inducitur, cum
enim, vt notum omnibus, ingenio plurimum
ac iudicio valeant, nemo fidem nostram susci-
pit, quin multò ante, id que diligenter omnia
seriò perpenderit, dubia sua, quæ & subinde dif-
ficultatem aternam quibusdam possint facessere, propo-
fuerit, rationesque credibilitatis abundè perce-
perit; vt nil dicam hic de fauoribus extraordina-
rijs quibus se suamque Matrem ac diuos tutelares
piè

XV.

piè inuocantes subinde impertitus est, de quibus numerant annuæ trigesimo octauo, trigesimo nono, & quadragesimo ac sequentes, plures mortuos rediuuios, curatos derepente infirmos, energumenos tetro illo spiritu ac hospite liberos per Exorcismos Ecclesiæ. Ne enumerem opem aliam multis diuinitus per sacras imagines agnos Dei, sacra numismata, Cruces, cuius rei participes omninò non sunt, nec infideles nec mali Christiani, quin potius grauibussæpè pœnis increpatur tepor illorum, & durities. Ea alibi scribentur omnia opportunius.

Quid porrò dicendum de multorū in fide constantia? in laboribus in periculis? in persecutionibus grauissimis? ne dicam singularim de singulis, quæ quisque domi suæ passus sit in amissione bonorum, honoris, & dignitatum, verborum ac etiam sæpè verberum inflictionem, à parentibus ab amicis, quibus eos à fide ac proposito, vi sæpè abducere sunt conati.

Transco hosce omnes, numero enim obrueret, in persecutione, quæ maximam partem Sinarum peruagata est anno 1616. & 17. Sub Mandarinò Nanxinenſi, nomine Xin, cum Patribus capti sunt tres ex adiutoribus nostris fratribus domesticis, natione Sinæ, tormentis sauiſſimis excruciat, vt reliquos Christianos proderent, ad triremes vr mancipia damnati constantissimi inde perſistere, cum captiuis Patri-

bus

bus subire vincula ac carceres cupiere plurimi, morique pro Christo exoptare; quidā etiā voti conpotes sūma alacritate fidē professi mortē rulere.

In persecutione altera, quæ in Prouincia Foxien excitata post modum est, Christiani complures, vnā cum Patre nostro Iulio Aleni, in templo Deum suppliciter prechantes ad Martirij coronam aspirantes diu perstiterant, at non nisi vnus & alter obtinere coronam; primus ex inedia, & laboribus in carcere defunctus, alter illius frater martyrios affectus in Haynan: plurimi ex ipsis ingetes calamitates passi sunt, eo quod essent Christiani, domo, facultatibus, gradibus, liberateque ob Christum spoliati; mira etiam fuit promiscuitudo alacritasque Doctorum, Pauli, Michaelis, Leonis, aliorūque Mandarinorum inscribendis pro parribus ac fide nostra varijs Apologijs, refutandis Sinensium pererroribus, vti pænē olim fecerunt Iustini, Atanasij, Gregorij, aliaque Ecclesie lumina.

Neque hisce contenti, dum tempestas illa dei ferbuisset, Patres domini suæ abditos detinere, nulla periculi sui nulla perdendæ dignitatis aut muneris habita ratione, id totum Deo ac fidei suæ professioni se debere rati. Hæc aliaque quæ tacitus prætereo effectus sunt fidei minimè dubiæ debilis, aut inconstantis, quæ qui coram vident, Patres nostri oculatissimi, mirantur ab extraneis, ipsique Viris Religiosis supra modum eleuari ac minui.

XVII:

Idem omninò probant opera Charitatis illorum sanè præclara. Sunt qui Christianos bonis spoliatos restituere in integrum, liberales omninò in dandis eleemosinis, pro condendis templis, iisque adornandis, gnari necessitatis nostræ, & inopiæ domesticæ, maximè post interruptum Lusitanorum cum Iaponia commercium, Patribus id hætenus accipere detrectantibus, quod necesse erat, non semel spontè liberaliterque obtulere, quamvis nunquam admiserint nostri, longè malentes extremam pati penuriam, quam ut apud gentiles viliùs existimaretur opus Evangelii, & propagatio Fidei,

Per modum Sodalitatum coguntur Cetus in quibus, ubi de diuinis rebus habitus est sermo, proponuntur Christianorum necessitates, deputantur ad sollicitudinem & curam harum aliqui, renato hic quodammodo seruiore primitiæ Ecclesiæ, licet verò in corporeis hisce exactissimi sint, multo tamen magis in spiritualibus misericordiæ operibus præstant. Hinc vix repertum Evangelicæ lucis thesaurum summo zelo quam primum cum aliis communicant; adeo ut quisque fecundo æquiparari possit semini, quod continuo fructum faciat inter, parentes, notos, & amicos. Natura factos eos credas compositosque ad pietatem, tanta ducuntur rerum sacrarum reuerentia ac veneratione, plurimi inter eos orationi mentali, & rerum sacrarum meditationi vacant, maximè Passionis Domini, idque cum,

singulari animi sensu, prout pœnitentibus subinde,
ex pio animi affectu tenerissimis lachrymis, qui
fructus in ipsos exteriores actus redundat.

Sacro intersunt summa cum reuerentia & at-
tentione, cuius arcana mysteria sua iam lingua
ac litteris habent expressa Patrum nostrorum ope-
ra. Est ubi consecrationis tempore nudatum
tergum acri verberatione in memoriam sacratissi-
mæ Passionis affligant, ortum id à quodam ibi
Christiano, qui eum die quodam festo serius ad-
uenisset, ut sacro interesset, tantò mali præbici
exempli cœteris sensu affectus est, ut pro culpæ
sue satisfactione emendationeque, dati ut rebatur
scandali, acriter se flagellis ex funiculis contextis
coram adstantibus diuerberaret, quod ille in pœ-
nam, faciunt nunc cœteri in pietatis & ardoris
argumentum.

Maximè addicti sunt pœnitentiæ Sacramento,
summo candore animi, & accurazione, & cum
in sinis maximè indecorum sit, detecto videri
capite, hocque solum fiat reis, qui ad tribunalia
adducuntur, tamen nostri Christiani, cum con-
fitentur, detecto capite confessarium accedunt,
tanquam rei ad iudicem, culpas etiam minimas
confitentur, parati quamvis pœnam indictam,
ieiunium, & etiam diuerberationem nonnunquã
admittere. Mira quæ corporis, quæ animi mo-
destia, compositione & demissione ad Sacratissi-
mum sacræ Eucharistiæ mysterium accedunt, pri-
die se parantes, multoque in gratiarum actione
red.

XIX:

reddenda tempore absumpto:

Recordari deberent Philippinenses illius adolescentis Capitanei, qui elapsis annis venit ad urbem Manilam ex Cinceo, cuius rarum in hac re exemplum adeo extulit R. P. Bartolomæus, Martinez Provincialis Dominicanæ familiæ vir verè Apostolicus magnus zelator animarum, ut à multis sæpius auditus sit asserere; tametsi aliud non egissent Patres Societatis apud Sinas, quam hunc solum conuertere, abundè vbique; benèque impensos posse putare suos labores. Hoc viri illius verè Apostolici, omniumque, qui adolescentem illum notant, fuit testimonium; hæc, qui qualesque sint Christiani, abundè demonstrant, ut nil necesse sit ab alijs inuri maculam illorum gloriæ.

§. QUINTVS.

De statu rei Christianæ in Aula Regia:

Quia supra attingimus quosdam ex Aula Regia conuersos, & mirus est omninò modus, quomodo lux Euangelica eo penetravit: Ecce tibi verbis ferè Patris Ioannis Adami, qui totius huius negotij curam gessit.

Aula regia in medio urbis PeKing loco sita tri-

bus muris clauditur, intra duos primos ebsq̃e extimos, sunt Custodes corporis Mandarinī, Eunuchi, alijque Ministri Regij: intra vltimum, qui spatium ceteris longè maius pro cubiculis, hortis ac Syluis continet, habitat Rex. Hic nemio etiam quantumcumque breui spatio admittitur, præter Eunuchos ac mulieres, quibus Rex ad omne ministerium vitur. Omnes illæ Palatina, ex quo intrarunt, nunquam egrediuntur: splendido illo ornatoque Aulae carceres: varij interius sunt ministeriorum gradus ac dignitates. Vna princeps est Regina legitima, cuius filijs ius est successionis ad Regnū: alia sunt concubinae alia ab his regium ministerium curant, alia a cubiculis, custodes vestium alia, alia Aulae præfecta est. Cumque egressus nulli pateat, manent semel ingressæ ad vsque ipsam Imperatoris mortē. Ibidem sunt prioris Regis Vxor, & concubinae, cū suis quoque Eunuchis & ancillis, quidam etiam Eunuchi regij Musicæ, astrologiæ, rebus mathematicis, alijsque minus congruentibus sequiori sexui præfecti sunt.

Ex hac adeo arcta Regis, totiusque Aulae conclusionē ingens oritur difficultas, eo Euangelij lucem inferendi. At quod non potest humana industria, facit diuina potentia. Erat inter Ephebos quatuor Eunuchi cuiusdam, Guey nomine, Regis prioris amicissimi, Eunuchus alius cui nomen Van, destinatus, ut videretur, ad perfici-

ciendum illud singulare Dei obsequium. Erat hic animo modestus omnino, minimèque insolens, aut ad altiora aspirans; (quod rarum omnino in tali hominum genere) unde cæteris illius socijs ad altiora euectis, ille domesticis contentus parietibus, tenuique censu cætera serè respuebat. Hinc cum rege demortuo, ipsius Dominus Guey. eiusque Comites, sorte sua excidissent, & ad questionem poscerentur, nescio quas ob commissas insolentias, solus Van liber tenasit, gratiamque ac fauorem Regis noui obtinuit.

Domum huius Eunuchi Van incolebat anno 1637. quidam Christianus nomine Lucas, officio pictor, is sacris pingendis imaginibus promouere studebat rem Christianam. His frequenter eum Eunuchus primùm cepit miscere sermones tum explicare imagines; in ijsque don Dei lege, eiusque præconibus subinde inferre mentionem; demum paulatim tantum efficere, vt eum ad ipsos adduceret. Visa hæc minimè negligenda occasio, quæ tantopere faceret ad Dei gloriam instituitur, soluuntur dubia baptizatur. Iosephi insignitur nomine. Ille ad parentes, suosque domesticos ab errore auocandos mire accensus, id non multò post effecit. plurimum ad id potuit egregia morum modestia compositioque, præter naturam enim illius insitamque erga omnes humanitatem ac beneuolentiam, quibus omnium omnino sibi demerebatur. Animos, eratque tanquam lilium inter spinas, inter Eunuchos, cæte-

ros hinc maximè virtutibus destitutos, supplebat Diuina gratia, quod deerat naturæ. Inde in frequentando sacro Missæ officio, cui diebus festis ministrare solitus, audiendis concionibus, Sacramentorum susceptione assiduus, studio scribendi legendique post susceptam fidem ad intelligendos nostrorum partim libros, aliaque pietatis operâ omninò diligentissimus; raro exemplo non sodalitati nobilium, quæ est in templo ibi nostro, sed plebeiorum adscribi voluit, domum suam, quoties opus, sacris celebrandis commodabat, in qua admittebantur faming, quibus more patrio vna cum viris templa adire non licet.

Fuit ex Mandarinis quispiam, qui ad extremam redactus inopiam, iam de proscribenda familia & duabusque filiabus prostituendis cogitaret, ille non sine parentum suorum murmure, ac querelis hominum, cum suis sustentauit opibus, pec candique exeruit periculo. Hic ob insignem animi sui demissionem subiectionemque iudicij, qua Patres nostros in rebus fidei dubijs, cum ab alijs consuleretur, consulere solebat, hunc à Deo fauorem promeruit, vt primus initium daret saluti multarum Palatarum in Aulia Regis degentium, primus hic instructam à se, ac Catechismo edito à nobis donatam è consilio nostrorum, sacro fonte abluit, nomenque Catharinæ imposuit. Hac intercedente accessit & altera, quæ singulari Dei beneficio adhuc gentilis ingenti ac manifesto periculo, inuocato sacro

Dei nomine, quod à Catharina impressum acceperat, fuerat erepta, quo prodigia attonitæ phæres Christo nomen dederunt, adeo ut anno 1638. ad duo de viginti, opera Iosephi, alteriusque Eunuchi, quem Christo sacrificerat, numerarentur Christianæ. Nomen huic alteri Hylarius est, nihilo suo Magistro demissione illa animi, cæterisque virtutibus inferior. Verum cum Palatinæ Aula egredi non possint, nec licitum eam intrare Patribus nostris, sentiunt vehementer; quod nostros pro instructione, Sacramentorumque susceptione adire non queant; media quidem adhibere aliqua tentarunt, sed ea à nostris omnino reiecta sunt, ne se suosque Neophytos manifesto exponerent periculo, satis esse asserentibus, ut prius pietatis virtutisque cultu proficiant, paulatimque cum Regine ipsi, cum Regi de lege nostra dextrè aliquid subindicerent, ut agnitum aliquando tantum bonum, illud tandem admittant, diffcultatesque amoveant. Litteris si quid agendum ultro citroque missis peragitur, quas reddunt accipiuntque Eunuchi, exercitationesque pietatis illis subministrant domestico Oratorio exstructo ac eleganter adornato. Nonquam inter eas, ut vulgò inter gentiles solet, dissensiones audiuntur, aut rixæ; minimè etiam defectus publica expiantur peccata; genibus & capite ad terram demisso, quod ubi saepe re. Tantum non in dies, quæ pro cultu diuino

XXIV.

opus sunt, domum nostram submitunt, modò candelas, modò suffimenta, aliaque huiusmodi, quæ cuique aut pietas, aut seruator suggerit: cumque oblata ab illis nostri pro vsibus nostris, puta vestem aut suppellectilem, aliaue esculenta aut poculenta, admittere hactenus non soleant. summo id opere impetrare sunt conatæ, vt saltem domesticis famulis de ijs subinde illis liceat prospicere. Fuit quædam Agatha nomine, quæ cum inaudisset ab Eunuchò, Patrum vestes domi nostræ confici, bonam pattem argenti mitteret, quasi mercedis laborum nomine.

Denique in calamitatibus illarum, periculis, aut morbis, vnicum est ad preces nostrorum perfugium, neque id semper in cassum; diuinam enim opem sæpè expertæ sunt. Crescit illarum in dies seruator ac numerus, vt numeratæ fuerint anno 1639. ad triginta & octo; interque eas Regis prioris vxor opera Iosephi conuersa, aduersarijs contra illam stantibus turpiter conuictis.

Anno 1640. numerum superabant quinquagesimum, ijs cum innotuisset eodem anno ad lustrandam domum nostram. eò aduenisse R. Patrem Viceprouincialem, P. Franciscum Furta- dum; insigne ad eum misere munus, Epistolumque signatum manu quadraginta & ampliùs è Palatinis primariis omnium nomine, quod ipsemet vidi; Abeunti dein misere aliud in viatici subsidium. Omnium rogatu ex tum statuit R.

P. Viceprouincialis aliquam ex iis quasi Præf-
ectam, cui ceteræ parerent, quod munus cum
diu illa recusasset, demum aliarum precibus, ho-
stroque consilio admittere coacta est.

Nec procul iam à Rege ac Regina abest ipsa,
lux Evangelica; cum enim nuper quædam mi-
nistre apud illam accusatæ essent, quod Christia-
næ essent, illa grauitè eas increpuit, non quod
Christianæ essent, sed quod boni illius se minime
fecissent certiore, adeo ut spes omnino fuerit
maxima, breui eam Christo manus daturam;
quin & Rex ipse non procul abesse videbatur à
Regno Dei; præter enim fauores alios, nostris,
& erga legem Dei exhibitos, nuper Clauicor-
dium illius olim Auo à R. Patre Mattheo Ric-
cio oblatum; nobis concinnandum submisit;
versiculum aureis ibi litteris inscriptum: [Can-
tate Domino Canticum nouum:] à nostris Si-
nice sibi exponi voluit.

S. SEXTVS.

Munera quæ, & quo euentu
Imperatori oblata.

Clauicordia additum aliud munus, quod
mille aureis Olyspone fuit assignatum.
Libererat submissas pro Rege à Serenis-

finio Bauariæ Duce nuper ex Europa laminis ar-
 genteis , in quibus quatuor Euangelistarum arti-
 ficiosissimo opere deductæ extabant imagines ,
 opertus . Prima intus imago erat adoratio Re-
 gum depicta , manu artificis omninò singula-
 ris . Sequebantur septuaginta & septem ex per-
 gamena membrana , quæ vitam Christi artifi-
 ciosissimis coloribus auro argentoque hinc inde
 interposito exprimebant , ex aduerso textus erat
 Euangelii aureis litteris Sinicis scriptus : velo in-
 tegebantur omnia , filo aureo Sericoque in Bel-
 gio intertexto . Ad hoc tollendum , aperiendum-
 que librum manus sibi lauari voluit Rex ; vt ve-
 rò vidit , obstupuit , stetitque aliquamdiu , tum
 collocato antè se libro prostratus in terram Deum
 infantem prono vertice est veneratus , eundem
 illum agnoscens , qui Reges illos è terris adeo re-
 motis ad se vpcasset , modòque ad se visendum
 è tantò remotioribus in sua veniret imagines ,
 idem fecere adstantes omnes , interque eos ipsa
 Regina : tum Rex ad eam conuersus , nescis , in-
 quit , quantò maior sit puer hic , Fe tuo (idolum
 id apud Sinas maximo in honore est , & ille)
 (Regem è tribus Magis vnum digito monstrabat)
 quanto sanctior est nostro Yao (is Rex habetur
 apud Sinas Sanctissimus :) hanc imaginem cum
 diu fuisset contemplatus , cæteras post paginas
 omnes reuoluit , singulis sigillatim honore exhi-
 bito , negotiis omnibus in aliud tempus reiectis :
 postridie librum maiori in aula collocari voluit
 dicta ,

XXVII.

dicta, Palatium virtutis, vbi cum publica solemnitate à Rege, Regina aliisque Palatinis fuit exceptus: tres omninò dies tenuit hæc celebritas, quibus exactis veritus Rex, ne quid ibi à quopiam gentili pateretur detrimenti, magno apparatu ad aliam aulam interiorem transferri iussit, vbi thesauri Regis, & artificiosissima quæque seruari solent, sæpiusque ibi adiri à Rege scimus, non sine summo honore ac studio sacri textus perlegendi, cui breuem declarationem adiecit quidam è Patribus.

Verùm cum propter vicinum oculorum minùs subinde Rex, quam volebat, assequi posset, exclamabat quandoque: Lex Dei Cæli verax est, Sancta est, ac ego illam non satis capio. Credi vix potest, quo gaudio hæc perfuderint R. Patrem Viceprouincialem, & Patrem Iohannem Adamum, qui quàm mòx ampliorem elaborare cœpit explicationem, idque per modum Catechismi, quam data occasione Regi statuerat offerre, oblataque est, sed (quæ sunt iudicia Dei) inter has spes Tartari Regnum invadentes omnia perturbarunt, vti supra notatum est.



§. SEPTIMVS.

Catalogus quorundam librorum, qui à Patribus Societatis IESV in Regno Sinarum fidem Christianam prædicantibus, Typis ac idiomate Sinico impressi sunt; in quo illi tantum numerantur, qui ad legem pertinent Christianam, omissis aliarum scientiarum, & artium; omnium enim index cum auctorum elogijs alibi reservatur.

R Pater Michael Rogerius Italus, anno 1581. edidit Sinicè librum, cui titulus Thien Chù Xing Kiao Xe lo, hoc est, v^{er}a relatio de sanctissima lege Cælorum Domini: ita in Sinis Deum vocamus.

R.P.

XXIX.

R. P. Matthæus Riccius impressit librum, cui titulus Thien chu xe y, estque elegantissimo stylo compositus, in quo tractat de Deo, unde eius titulus significat, Cœlorum Domini vera ratio.

Item alium typis euulgavit dictum Ki gin xe pien, hoc est, decem paradoxa, ubi de morte, iudicio, ieiunio, ac similibus agit pie ac eruditè, more philosophico.

Item alium edidit, cui titulus xl xe u yen, qui continet varias ac exquisitas sententias ex ethnicis ad virtutis incitamentum. Posthumum etiam reliquit, qui excusus citò post eius mortem fuit, cui titulus, pien hio y, in eo refutat calumnias, quas contra legem Christianam ediderat Sacrificulus quidam, & magnus alius philosophus, hac occasione errores Idololatricæ, qui apud Sinas sunt, detegit, ac refutat.

R. P. Lazarus Cattaneus Italus, communis iuris fecit librum, cui titulus, Hoei cui yao chi, qui tractat de dolore peccatorum ac contritione.

R. P. Ioannes Soerius Lusitanus impressit librum, cui titulus Xing Kiao yo yen, quæ verba significant, Sanctæ legis compendium, ac verè tale est opus, in quo etiam præcepta Decalogi explicat.

R. P. Nicolaus Longobardus, Italus, qui adhuc vivit, iamque in Sinis diuinam legem pro-

mulgat annis omnino 57 typis euulgauit;
 exercitium quotidianum variarum precum,
 dictum Sinicè Xing Kiao, ge co ; edidit
 etiam librum cui titulus Ling hoen tao ti
 xue : tractat enim de anima, eiusque po-
 tentijs.

R. P. Ioannes de Rocha Lusitanus impressit Si-
 nicè reditum, Catechismum illum, quo
 tota Lusitania utitur, vulgoque vocatur la
 Cartilia : edidit hoc opus stylo vulgari, ut
 à pueris ac sceminis possit intelligi.

R. P. Didacus de Pantoja Hispanus elegantissimo
 floq stylo opus edidit egregium, Cie Ke dictum,
 in quo est, septem Victoriarum, in quo agit
 de septem virtutibus, septem peccatis ca-
 pitalibus contrarijs.

Item impressit librum, cui titulus, pang çu y
 ciuen, qui continet exactissimam ac exten-
 sam explicationem duodecim Articulorum
 Symboli fidei.

Item alium, cui titulus, Thien chu xe y so pien;
 in quo Deum esse probat, eiusque attributa
 fusè explicat.

Item alium de Angelis bonis ac malis; id est illi
 titulus Thien xin mo quei xue, hoc est,
 de Angelis ac dæmonibus locutio.

Item alium de Origine hominis, de peccato
 Originali, de diluuiò vniversali: huius titu-
 lus est: gin lui yuen xi, quæ verba significat
 humana speciei Originem ac prin-
 cipium,

XXXI.

R. P. Gaspar Ferreira Lusitanus impressit Sanctos
Menstruos, additis Sanctorum Patrum ac
Sacrae Scripturae sententijs; hos mote So-
cietatis nostrae mensibus singulis, Christia-
nis partimur.

Item edidit meditationes de quindecim Rosarij
mysterijs cui libello titulus est, Nien King
quei ching.

R. P. Alphonsus Vagnoni Italus, typis edidit
egregium librum, cui titulus Kiai yao
Kiai lio: Duos habet Tomos, in quibus
totum Sanctae Romanae Ecclesiae Catechis-
mum fuse ac doctè explicat, præcipuè ve-
rò ea quæ ad Incarnationem ac Sanctissimam
Passionem Saluatoris pertinent.

Item Vitam ac miracula B. Mariæ Virginis, qui-
libet vocatur Xing mu hing xe.

Item edidit septem volumina de vitis Sancto-
rum. Primum est de Apostolis: Secun-
dum de Pontificibus Sanctis: Tertium de
Martyribus; Quartum de Confessoribus:
Quintum de Eremitis: Sextum de Virgi-
nibus: Septimum de viduis. Vocantur hi
romi Sinicè Thien chu Xing Kiao Xing
ging hing xe.

Item alium librum edidit de quatuor Nouissi-
mis, cui titulus çu mo lun.

Item alium cui titulus pi hio, siue comparatio;
nam totus pulcherrimis comparationibus
plenus est, quæ refertæ sunt sententijs phi-

XXXII.

Philosophicis ac moralibus.

Item alium, cui titulus Xe guei, hoc est, decem consolationes: decem enim capita continet, in quibus, antidota pia ponit contra humanas aduersitates, ac mala.

Item alium in quo Lectores excitat ad virtutis vere studium ac amorem: huic titulus est li hio cu yen.

Item alium dictum ce xing xe pien, hoc est, de Sanctorum imitatione.

Item alium de pia puerorum educatione, estque Tomus duplex, quibus hic titulus Tung yeu Kiao yo.

Item alium, cui titulus Hoan yu xi mo, hoc est, de Mundi initio ac fine.

Edidit etiam multos alios Philosophicos, ac morales, de quibus alibi agetur.

R. P. Emanuel Dias Lusitanus impressit egregium Opus supra Euangelia totius anni, iamque tomi duodecim typis vulgati sunt, reliqui sequentur; est hoc opus ab omnibus Christianis maxime expetitur.

Item edidit Litanias Sanctorum Angelorum, quas ad pium Christianorum usum in linguam vertit Sinicam.

R. P. Nicolaus Trigautius Belga impressit librum de Computu Ecclesiastico, per quem Christiani Sineses indagare possunt festa ac ieiunia Romanæ Ecclesiæ.

R. P. Franciscus Sambiasius Italus edidit librum,
cui

XXXIII

cui titulus, Ling yèn li cho; in eo de Anima triplici tractat. Vegetatiua, Sensitiua ac Spirituali fufissimè.

R. P. Julius Aleni Italus edidit Vitam Christi Saluatoris nostri, octo tomis diuisam. quibus titulus est, Thien chù Kiang feng yèn hing Ki liò.

Item alium librum, cui titulus Thien chù Kiang feng yn y; in quo particulariter agit de Christi Incarnatione.

Item alium librum Imaginum in quo ad exemplum Patris Hieronymi Natalis tota Vita Christi, ac mysteria ligneis laminis sculpta cernitur, ac impressa; hic liber vocatur Thien chù Kiang feng cho siang King Kiai.

Item alium duplici tomo de Sacro sancto Missæ Sacrificio; vocatur Missa ci y; in quo Sacrifcium Missæ, omnesque ad illud pertinentes Ceremoniæ explicantur;

Item alium de Sacramento Pœnitentiæ, dicitur Tie çui ching què.

Item alium, in quo ex origine Mundi probat dari Deum; dicitur liber Van vò elin yuen, hoc est, rerum omnium Vera Origo.

Item alium cui titulus Sãn Xãn lun hio Ki; in quo per Dialogos refutat Auctor principales errores Sinarum; dubiaque soluit à Sinis interrogari solita.

Edidit etiam Sinicè Sancti Bernardi dialogum inter

XXXIV.

inter Animam, & Corpus, cui titulus Xiñg mungco; in quo etiam poetico stylo multa explicantur.

R. P. Franciscus Furtado Lusitanus, impressit sex Libros de Mundo, & Cælo, dicuntur Hoan yù ciuén; in quibus ex philosophia probat dari Dominum Vniuersi, ac Deum esse.

R. P. Ioannes Adamus Schal à Bel Germanus vertit Sinicè Librum Reu. Patris Lefsi, ac edidit, qui inscribitur de prouidentia Numinis; cui Pater Martinus Martinus addidit de immortalitate Animæ eiusdem Auctoris; vocatur Liber hic Chû chi Kiung ching.

Item edidit Librum de Octo beatitudinibus, cui titulus Chiñ so pa pien Kiai.

R. P. Iacobus Rho Mediolanensis, impressit elegantem explicationem Orationis Dominicæ; Tomus est satis magnus, cui titulus Thien chu King Kiai.

Item alium librum, in quo eodem modo explicat Salutationem Angelicam; inscribitur Xing mù King Kiai.

Item aliud volumen quatuor librorum de mortificatione & ieiunio, cui titulus Chái xe.

Edidit etiam tres libros, de operibus misericordiæ, quorum titulus est Gai King hìng ciuén.

Item vertit Sinicè ac edidit Monita Spiritualia. San.

Sanctæ Matris Theresiæ ; Libri nomen est
Xing Ki pe yèn .

Item composuit ac vulgavit typis librum , in
quo pro singulis diebus totius anni senten-
tias Sacræ Scripturæ , ac Sanctorum Pa-
trum collegit , cui titulus , Chéu xui King
yù .

R.P. Ioannes Foes Lusitanus edidit librum de
iuuandis illis , qui sunt in articulo mortis,
cui titulus Xen chung eu cüng .

Item vertit Litanias Sanctissimæ Passionis , ac
varias Orationes de quinque Sanctissimis
Christi Domini vulneribus , quibus maxi-
mè delectantur Christiani .

R.P. Rodericus de Figüeredo edidit duos To-
mos precum ac variarum deuotionum : di-
cuntur Nien King cüng to .

Edidit etiam opus , cui titulus Xing Kiao yuèn
lieu , quatuor continet libros ; estque totius
fidei Christianæ ac Catechismi explicatio,
cui non suum nomen , sed Christiani cu-
iusdam præfixit , cui rem oretenus dicta-
bat .

R. P. Ioannes Monteiro Lusitanus impressit
compendium legis diuinæ , cui titulus
Thièn hio lio y .

Item alium de vero & falso cultu Dei , in quo a-
git de Adoratione ; inscribitur liber pien
King lo .

Ex his itaque libris intelliget Beneuolus Lector, Patres Societatis IESV, & verbo & scripto talem legis Dei notitiam Sinis dedisse, vt vix inuenias in tanto Imperio omnino ignorantem; videbis etiam, quàm procurarint Societatis Patres, vt nihil nostræ legis lateat Sinas, quibus & Incarnationis, Passionis, ac Crucis tantam dedimus notitiam. Demum luce clara clariùs intelliget Lector, Societatis Patres non vulgarem habere debere scientiam de moribus, legibus, doctrinis ac statutis Sinarum, vnde facillè discernere possint, quæ politica solùm, & quæ superstitiosa sunt, vt bona à malis distinguant: nec styli ac literarum Sinenſium ignarus, vt vides, edere posset, & multò minus variarum opinionum ac sectarum errores refutato editis libris, si illos non cognoscerent penitus, & intelligerent.

OMNIA AD MAIOREM DEI GLORIAM.





BIBLIOTHECA
Vnter

XI

N